



Broj: 03-05-2738/19  
Lukavac, 22.05.2019. godine

Na osnovu člana 70. stav (1) Zakona o javnim nabavkama („Službeni glasnik BiH“, broj 39/14), a na Preporuku Komisije za provođenje postupka javne nabavke broj: 03-05-2738/19 od 20.05.2019. godine, u postupku nabavke opreme za dječija igrališta, Služba za investicije, komunalno-stambene poslove i poslove mjesnih zajednica, kao ugovorni organ, donosi

## O D L U K U

o izboru najpovoljnijeg ponuđača

### Član 1.

Prihvata se Preporuka Komisije za provođenje postupka javne nabavke broj: 03-05-2738/19 od 20.05.2019. godine o izboru najpovoljnijeg ponuđača, donesena u otvorenom postupku, po obavještenju broj: 719-1-1-22-3-40/19.

### Član 2.

U skladu sa Preporukom iz prethodne tačke, za najpovoljnijeg ponuđača u postupku javne nabavke opreme za dječija igrališta, izabran je ponuđač **“GLOVIS” d.o.o. Zenica** (u daljem tekstu: Izabrani ponuđač).

### Član 3.

Ugovor za nabavku opreme iz predmetnog postupka se dodjeljuje Izabranom ponuđaču prema ponudi broj: 01-04/19 od 10.04.2019. godine i konačnoj rang listi nakon završene e-aukcije, za ponuđenu cijenu u vrijednosti od 29.000,00 KM, bez PDV-a, kao najpovoljnijem ponuđaču.

### Član 4.

Prijedlog ugovora bit će dostavljen na potpis Izabranom ponuđaču nakon isteka roka od 15 (petnaest) dana, računajući od dana kada oba ponuđača budu obaviještena o izboru najpovoljnije ponude.

### Član 5.

Izabrani ponuđač je dužan da, u roku od 7 (sedam) dana od dana prijema ove Odluke, dostavi ugovornom organu dokumenta iz člana 45. stav (2), tačke a), b), c) i d) Zakona o javnim nabavkama BiH („Službeni glasnik BiH“, broj 39/14)-(u daljem tekstu: Zakon), a koji su navedeni i u tački 12.1., podtačke a), b), c) i d) Tenderske dokumentacije broj: 03-05-2738/19.

Dokazi iz prethodne tačke moraju biti originali ili ovjerene kopije i ne smiju biti stariji od 3 (tri) mjeseca računajući od dana dostavljanja ponude.

### Član 6.

Ukoliko Izabrani ponuđač ne dostavi dokaze iz prethodnog člana ove Odluke u ostavljnom roku i na način propisan Zakonom i Tenderskom dokumentacijom, ugovorni organ će prijedlog ugovora dostaviti na potpis onom ponuđaču čija je ponuda po rang listi odmah nakon ponude Izabranog ponuđača.





Ugovorni organ će postupiti na način naveden u prethodnom stavu i u drugim slučajevima navedenim u članu 72. stav (3) Zakona.

#### Član 7.

Ova Odluka bit će objavljena na internet stranici Općine Lukavac ([www.lukavac.ba](http://www.lukavac.ba)) istovremeno sa upućivanjem Odluke ponuđačima koji su učestvovali u predmetnom postupku.

Odluka će biti dostavljena ponuđačima uz obavještenje o rezultatima postupka i sa zapisnikom o ocjeni ponuda.

#### Član 8.

Ova Odluka stupa na snagu danom donošenja, a dostavit će se svim ponuđačima koji su učestvovali u predmetnom postupku.

#### Obrazloženje

Postupak javne nabavke opreme za dječija igrališta pokrenut je Odlukom o pokretanju postupka javne nabavke broj: 03-02-1-2737/19 od 25.03.2019. godine.

Obavještenje o nabavci broj: 719-1-1-22-3-40/19 objavljeno je na Portalu javnih nabavki dana 26.03.2019. godine i u „Službenom glasniku BiH“, broj 24/19, dana 29.03.2019. godine.

Javna nabavka je provedena u otvorenom postupku i primjenom e-aukcije.

Procijenjena vrijednost javne nabavke za predmetni postupak iznosi 28.000,00 KM (bez uključenog PDV-a), a kriterij za dodjelu ugovora je najniža cijena.

Za provođenje postupka javne nabavke, imenovana je Komisija Rješenjem broj: 02-05-3454/19 od 10.04.2019. godine.

Komisija je provela postupak i o provedenom postupku sačinila odgovarajuće zapisnike i druge akte.

O svom radu i provedenom postupku Komisija je sačinila Izvještaj o radu broj: 03-05-2738/19 od 20.05.2019. godine koji je dostavila ugovornom organu sa slijedećim prilogima: Zapisnik o pregledu i ocjeni ponuda broj: 03-05-2738/19 od 25.04.2019. godine; Zapisnik o pregledu i ocjeni ponuda nakon održane e-aukcije broj: 03-05-2738/19 od 20.05.2019. godine; Preporuka komisije o izboru najpovoljnijeg ponuđača broj: 03-05-2738/19 od 20.05.2019. godine;

Uvidom u dostavljene priloge utvrđeno je slijedeće:

- da je Komisija blagovremeno i pravilno izvršila otvaranje, pregled i ocjenu pristiglih ponuda;
- da su u predmetnom postupku primljene dvije ponude i to: "ISTRACOM" d.o.o. Sanski Most i "GLOVIS" d.o.o. Zenica;
- da su obje ponude primljene blagovremeno;
- da nije bilo neblagovremeno primljenih ponuda;
- da su ponude ponuđača: "ISTRACOM" d.o.o. Sanski Most i "GLOVIS" d.o.o. Zenica, kvalifikovane i prihvatljive;
- da procijenjena vrijednost nabavke bez uključenog PDV-a iznosi 28.000,00 KM;
- da je kriterij za dodjelu ugovora najniža cijena;
- da je ponuđač "GLOVIS" d.o.o. Zenica dostavio prihvatljivu ponudu sa konačnom cijenom, nakon e-aukcije, u iznosu od 29.000,00 KM, bez PDV-a;
- da se na ponudenu cijenu "GLOVIS" d.o.o. Zenica primjenjuje preferencijalni tretman;
- da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije;
- da je Komisija u svemu pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom;
- da u postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Na osnovu naprijed navedenog utvrđeno je da se može prihvatiti Preporuka Komisije za provođenje postupka javne nabavke opreme za dječija igrališta broj: 03-05-2738/19 od 20.05.2019. godine o izboru najpovoljnijeg ponuđača i da se ugovor za nabavku opreme za dječija igrališta može dodijeliti ponuđaču "GLOVIS" d.o.o. Zenica, kao najpovoljnijem ponuđaču.

O sadržaju dispozitiva Odluke i obavezama najpovoljnijeg ponuđača i ugovornog organa odlučeno je u skladu sa odredbama članova Zakona o javnim nabavkama („Službeni glasnik BiH“, broj 39/14): članom 25. stav (1) tačka f); članom 45. stav (2), tačke a), b), c) i d); članom 70.



stavovi (1), (3) i (6) i članom 72. stavovi (1) i (3), i odredbama člana 8. stav (1) tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14).

Iz navedenih razloga, primjenom člana 64. stav (1) tačka b) Zakona o javnim nabavkama („Službeni glasnik BiH“, broj 39/14) i člana 8. stav (1) tačka d) Pravilnika o uspostavljanju i radu komisije za nabavke („Službeni glasnik BiH“, broj 103/14), riješeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba u roku od 10 (deset) dana od dana prijema ove Odluke.

Žalba se predaje ugovornom organu, direktno ili preporučenom poštanskom pošiljkom na adresu: Služba za investicije, komunalno-stambene poslove i poslove mjesnih zajednica Općine Lukavac, Trg Slobode 1, 75300 Lukavac, a izjavljuje se Uredu za razmatranje žalbi Bosne i Hercegovine-Filijala Mostar.

Žalba se podnosi u pisanoj formi u najmanje tri primjerka.

Na žalbu se plaća administrativna taksa u iznosu i na način propisan članom 108. Zakona o javnim nabavkama („Službeni glasnik BiH“, broj 39/14).

Obradivač:  
E.B.



Po ovlaštenju Općinskog načelnika  
Pomoćnik načelnika  
Mireja Bubić, diplomirani pravnik

Dostaviti:

1. "GLOVIS" d.o.o. Zenica, ulica Zmaja od Bosne b.b., Poslovna zona 1, 72000 Zenica,
2. „ISTRACOM“ d.o.o. Sanski Most, Industrijska zona – Zdena b.b., 79260 Sanski Most,
3. Arhivi.